

ՎԱՆԱՆՂԻ ԵՊԻՍԿՈՊՈՍԱԿԱՆ ԹԵՄԸ
(IV–VIII դարեր)*

ԱՇՈՏ ՄԱՆՈՒԶԱՐՅԱՆ

Բանալի բառեր՝ եպիսկոպոսություն, թեմ, Վանանդ, Հնադույն, գլխավոր, կենտրոնական, դիրք, միջնադար, ազգային-եկեղեցական, կաթողիկոս:

Նախաբան

Հայոց եկեղեցու վաղ շրջանի պատմության ուսումնասիրության համար կարևոր նշանակություն ունեն առանձին թեմերի սկզբնավորման, ձևավորման, ընթացքի վերաբերյալ անդրադարձները, որոնց շնորհիվ երևան են հանվում ուշագրավ իրադարձություններ, իրողություններ: Դրանք լրացնում են եպիսկոպոսությունների վերաբերյալ ցարդ հայտնի իմացությունները, տեղայնացնում, ամբողջացնում այդ եկեղեցավարչական բարձրագույն կառույցների մասին պատկերացումները:

IV–VIII դդ. Վանանդի եպիսկոպոսությունը Հայաստանի ներեկեղեցական, ներքաղաքական կյանքում ունեցել է առանցքային նշանակություն, հատկապես խնդրո առարկա ժամանակաշրջանում, երբ այդ թեմի հինգ թեմակալ դարձել են Հայոց Մեծաց կաթողիկոսներ՝ վճռորոշ դեր խաղալով ոչ միայն ներհայկական, այլև՝ միջպետական, միջեկեղեցական հարաբերություններում:

Վանանդի եպիսկոպոսության հիմնումը, դրա թեմակալներն ու նշանավոր եկեղեցական գործիչները IV–V դդ.

Վանանդի եպիսկոպոսությունը Հայաստանի հնադույն թեմերից էր, որը ներգրավվել է Սբ. Գրիգոր Լուսավորչի հաստատած Հայոց եկեղեցու անդրադարձի նվիրապետության մեջ՝ զբաղեցնելով 11 / 12 տեղը՝ առաջնորդությամբ Տիրիկեսի, որի հոգևոր իրավասության ներքո էին գտնվում Այրարատ աշխարհի Վանանդ, Աբեղյանք, Գաբեղյանք գավառները¹: Հետագայում վերջինս ներառվել է Արշարունիքի եպիսկոպոսության կազմում, որտեղ էր և Շիրակը:

Ավելի ուշ Սբ. Գրիգոր Լուսավորչի վերակազմավորած նվիրապետությունում, համաձայն Ուխտանեսի ներկայացրած 30 աթոռակալ եպիսկոպոսությունների ցանկի, «հինգետասներորդն Վանանդայ» թեմն է²: Այսինքն՝ լինելով 15-րդը՝ Վանանդի աթոռն զբաղեցրել է կենտրոնական դիրք:

* Ներկայացվել է 20. IV. 2023 թ., գրախոսվել է 19. V. 2023 թ., ընդունվել է տպագրության 22. III. 2024 թ.:

¹ Ղ ա գ ա ղ յ ա ն. 1996, 193–194:

² Ուխտանեսի եպիսկոպոսի Պատմություն Հայոց. 1871, 100:

Ըստ Հայր Ղ. Ալիշանի մատենագրական պրպտումների՝ IV դարում (ավելի ստույգ՝ այդ հարյուրամյակի 2-րդ կեսին) Վանանդի եպիսկոպոս է հիշատակվում Զորթվազը. «Եւ Զորթուազ եպիսկոպոս Վանանդայ գաւառին, այր սուրբ պարկեշտ արժանի Աստուծոյ, արբեալ Ոգևով սրբով. Քրիստոնէութեամբ գնայր առաջնորդէր իւրում ժողովրդեանն ըստ կամացն Աստուծոյ»³:

Վանանդի եպիսկոպոսն իր գործուն մասնակցութիւնն է ունեցել V դարի կեսի Հայոց ազգային-եկեղեցական կարևորագույն ժողովներում: Պարսից Հազկերտ Բ-ի (439–457) և մոգպետ Միհրնեսեհ Վզուրկի՝ հայերի կրոնափոխութեան և զրադաշտականութեան ընդունման հրովարտակին ու նամակին պատասխանելու համար 449 թ. Արտաշատում գումարված Հայոց մեծամեծների ժողովի 17 եպիսկոպոսների շարքում Եղիշեն 14-րդը նշում է՝ «ԳԱԴ եպիսկոպոս Վանանդայ»⁴, իսկ Փարպեցու ցանկում նա 10-րդն է՝ «Տէր Գաղ՝ Վանանդեայ եպիսկոպոս»⁵: Ժողովին ներկա 18 նախարարների մեջ է նաև «Առաւան Վանանդեցի»⁶:

Ավելի վաղ՝ Շահապիվանի 444 թ. կանոնական ժողովի մասնակից 40 եպիսկոպոսների սակավ հիշված անունների թվում է «Գագ»-ը⁷, որը, հնարավոր է, նույն «Գաղ»-ը լինի: Հայտնի է, որ Շահապիվանի գումարմանը, բացի եպիսկոպոսներից, հրավիրված են եղել նաև «երիցունք եւ սարկաւագունք բազում»⁸: Երեցներից մեկն էլ Սահակ-Մեսրոպյան աշակերտութեան ներկայացուցիչներից «Ղեւոնդ սուրբն» էր⁹՝ Վարդանանց շարժման ոգեշնչողը՝ «Ավարայրի արծիւը»¹⁰: Նա «Ծննդեամբ Վանանդ գաւառի Իջաւանք գիւղէն էր (այսօրուան Կարսի շրջանէն), բայց հաւանաբար պաշտօնի բերմամբ իր գործունեութեան դաշտը եղաւ դրացի Բագրեւանդ գաւառը (այսօրուան Տիատինի եւ Աղրի-Ըղտրի շրջանը)»¹¹: Եղիշե պատմիչը գյուղը կոչում է «Իջաւան»¹²: Ավարայրից հետո քաջակորով Սբ. Ղեւոնդ Վանանդեցին ութ հոգեւորականների հետ, որոնց մեջ էր նաև Հայոց կաթողիկոս Հովսեփ Ա Հողոցմեցին (440–454), պարսիկների կողմից աքսորվել են հանուն Քրիստոսի տոկացել չարչարանքների, ապա 454 թ. նահատակվել: Սրբադասված ինը նահատակյալ հոգեւորականներն աննկուն վանանդեցի երեցի անունով կոչվում են Սբ. Ղեւոնդյանք, որոնց հիշատակը Հայ եկեղեցին կատարում է «Բուն Բարեկենդանին նախորդող շաբաթ օրը: Սբ. Ղեւոնդյանց նվիրված «Մանկունք» շարականի մեջ նրան են վերաբերվում հետևյալ տողերը.

Լուսաւորիչն ամենեցուն Ղեւոնդէի Ս. Վարդապետ

Խոհական մեծ խորհրդով խրատեալ լցոյց զաշակերտեալն ...»¹³:

³ Ալիշան. 1890, 76, այդ մասին տե՛ս նաև՝ Բոլգաւ. 1987, 410–411:

⁴ Եղիշե. 1989, 56:

⁵ Փարպեցի. 1982, 100:

⁶ Փարպեցի. 1982, 100:

⁷ Օրմանեան. 2001, 379:

⁸ Կանոնագիրք Հայոց. 1964, 427:

⁹ Օրմանեան. 2001, 379:

¹⁰ Քրիստոնյա Հայաստան հանրագիտարան. 2002, 655:

¹¹ Գալուստեան. 1997, 85:

¹² Եղիշե. 1989, 360:

¹³ Քրիստոնյա Հայաստան հանրագիտարան. 2002, 655:

Վարդանանց ժամանակների նշանավոր կրոնավորներից, որը գործել է Վանանդի եպիսկոպոսության սահմաններում, Սուրբ Թաթուլ ճգնավոր ուսուցչապետն էր: Նա նույնպես Սահակ-Մեսրոպյան աշակերտներից էր, ով Ավարայրից հետո՝ պարսկական իշխանությունների հետապնդումներից խույս տալու նպատակով, ավագ եղբոր Վարդաի հետ ճգնակեցության է հռացել Վիշապաձոր կոչվող վայրը (ներկայիս Կաղզվան քաղաքի մոտ)՝ Գաբեղյանց լեռներում: Այստեղ նա «վարել է «հրեշտակակրոն» կյանք և հռչակվել որպես աստվածառաք տեսիլների տեսանող: Առանձնական ճգնության նվիրվելու համար եղբայրները բաժանվում են. Թաթուլը մնացել է նույն տեղում, իսկ Վարդսը ճգնությունը շարունակել է Դիցամայր (Դիցմայր) կոչվող քարանձավում: Թաթուլի հռչակը լսելով՝ նրա մոտ հավաքվել են ճգնավորներ և կազմել ուխտավոր ճգնակյացների միաբանություն: Այնտեղ կառուցել են եկեղեցի, որը միաբանության առաջնորդի անունով կոչվել է Թաթուլի վանք (Թաթլա կամ Թաթլո վանք): Իր աշակերտներից Թումասին (Թովմաս) առաջնորդ նշանակելով՝ Թաթուլը ճգնակեցությունը շարունակել է Մայրաձոր կոչված մենաբանում մինչև իր վախճանը, որից հետո նրա մարմինը փոխադրվել և ամփոփվել է յուրանուն վանքում»¹⁴: Հայտնի են Թաթուլի վանահայրական խրատները Թովմասին¹⁵, որոնք, կարծում ենք, ընդունելի են եղել Հայոց վաղմիջնադարյան վանքերում: Հայոց եկեղեցին երեք ճգնակյաց սրբերի՝ Թաթուլի, Վարդաի, Թումասի «հիշատակը տոնում է ինչպե՞րացից հետո՝ 5-րդ կիրակին հաջորդող երկուշաբթի օրը՝ ս. Անտոն և ս. Կրոնիդես ճգնավորների հիշատակի հետ միասին»¹⁶:

V դարի երկրորդ կեսին Վանանդի եպիսկոպոս է եղել, հետագայում՝ Հայոց կաթողիկոս Սբ. Գյուտ Ա Արահեզացին (461–471/4), որը Տայքի Արահեզ գյուղից էր: Բանասեր-պատմաբան Արծրունի Սահակյանի տեսակետով Գյուտ Ա Արահեզացին Տայքի Մամիկոնյան տոհմից էր¹⁷: Իսկ Մաղաքիա արքեպիսկոպոս Օրմանյանը մատենագրական սկզբնաղբյուրների համեմատական և ժամանակագրական քննությամբ հանգել է այն եզրակացության, որ Գյուտ Արահեզացին նույն Գաղ եպիսկոպոսն է¹⁸: Սակայն դրանք կարող էին տարբեր անձինք լինել, քանի որ ենթադրվում է՝ Գյուտը «մինչև ձեռնադրվելը կոչվել է եվսեբիոս և այդպես էլ ճանաչվել է իր արտասահմանյան ուսման ժամանակ՝ օտար ընկերակիցներից (Թեոդորետոս Կյուրիացի և այլք)»¹⁹: Գյուտը Սահակ-Մեսրոպյան կրոնսեր աշակերտության ներկայացուցիչներից էր՝ «այր լի գիտությունամբ հայրիս և առաքել լեալ յունին, յորդասաց բանիւ և առատաբերութիւն վարդապետութեամբ»²⁰, որն «զգարութիւն գիտութեանս մերոյ եւ գիմաստ բանաւոր ուսմանց յաշխարհին Հոռոմոց ուսեալ»²¹ և ուներ «անդ

¹⁴ Քրիստոնյա Հայաստան հանրագիտարան. 2002, 378:

¹⁵ Խրատները տե՛ս Սովիէրբ հայկականք. 1854, 54–59, Գ ա լ ու ս տ ե ա ն. 1997, 147–154:

¹⁶ Քրիստոնյա Հայաստան հանրագիտարան. 2002, 378:

¹⁷ Ս ա հ ա կ յ ա ն. 2016, 28:

¹⁸ Օ Ր մ ա ն ե ա ն. 2001, 482:

¹⁹ Ս ա հ ա կ յ ա ն. 2016, 28:

²⁰ Փ ա Ր ա լ ե ց ի. 1982, 264:

²¹ Փ ա Ր ա լ ե ց ի. 1982, 274:

ծանօթք բազում և ուսումնակիցք»²²: Այս փաստերը բավարար էին ուրացյալ մաղխազ Գաղիշո Խոռխոռունու համար՝ հետագայում պարսից Պերոզ (459–484) արքայի մոտ կաթողիկոսին զրպարտելու բյուզանդամետոլթյան մեջ: 471 թ. հռոմեացիները կաթողիկոսական աթոռից՝ Գյուլտը վերադառնում է «ի գեօղն, որ կոչի Ուրմսու (Ոթմուս– Ա. Մ.) գեօղ, ի գաւառին Վանանդայ»²³: Ենթադրելի է, որ հիշյալ գյուղը եղել է Վանանդի թեմի առաջնորդանիստը:

Գյուլտ Արահեզացին կաթողիկոսական պաշտոնավարման ընթացքում մեծ դերակատարություն է ունեցել երկրի ներքաղաքական, հոգևոր կյանքում: 464 թ. «Վաղարշապատի Կաթողիկե եկեղեցում հոգեշունչ քարոզներով դիմավորել է պարսկական գերությունից վերադարձած հայ նախարարներին՝ Ավարայրի ճակատամարտում ողջ մնացած հերոսներին: Հաստատել և եկեղեցական տոնացույց է մտցրել Ավարայրի նահատակների հիշատակի օրը»²⁴: Պայքար է մղել ժամանակի հերձվածների (նեստորականություն) և այն աղանդների դեմ, որոնք մերժում էին խաչը (մծղնյաններ, պավլիանիտներ, Հայոց աղանդ): Նրա խնդրանքով է Դավիթ Անհաղթ փիլիսոփան ձոնել խաչի «Բարձրացուցէք» ներբողյանը²⁵:

Ըստ Արծ. Սահակյանի պրպտումների՝ աքսորից վերադարձած և Ոթմուսում հաստատված Գյուլտ Արահեզացուն կաթողիկոսական գահի վրա փոխարինում է իր եղբորորդին՝ Տեր Հովհանն (471/4–481/2)²⁶, որի անունը բացակայում է Հայոց հովվապետների գավազանագրքից: Չի բացառվում Տեր Հովհաննը կաթողիկոսական գահին բարձրացած լինի Վանանդի եպիսկոպոսական աթոռից, որտեղ պիտի որ կայացած լիներ հորեղբոր՝ Գյուլտ Արահեզացու դաստիարակություն ներքո:

Վանանդի եպիսկոպոսությունը VI–VIII դդ.

Ենթադրելի է թեմակալ Հովհաննի Վանանդի եպիսկոպոսական աթոռին հաջորդել է Բաբեկեն Ոթմսեցին, որը հետագայում օծվել է Հայոց Մեծազ կաթողիկոս: Բաբեկեն Ա Ոթմսեցին (490–516) 506 թ. գումարում է Դվինի Ա ժողովը, որին մասնակցել է 14 նախարար և 20 եպիսկոպոս: Նախարարների շարքում 5-րդը հիշատակվում է «Զիկ Վանանդայ տէր»²⁷: «Գիրք թղթոցի»՝ Մ. Օրմանյանի մեջբերած ցուցակում Զիկը ներկայացված է իր ազգանվամբ՝ «Դիմաքսեան»²⁸: Ավելորդ է նշել, որ ըստ Սահակյան (Վռամական) Գահնամակի՝ Դիմաքսաններն ունեցել են չորս ճյուղ՝ Հայոց արքունիքում զբաղեցնելով համապատասխանաբար 34-րդ, 35-րդ, 37-րդ, 67-րդ գահերը: Նրանք ժառանգական տիրույթներ են ունեցել Շիրակում, Տայք նահանգի Բուխա

²² Փ ա ր պ ե ց ի. 1982, 274:

²³ Փ ա ր պ ե ց ի. 1982, 280:

²⁴ Քրիստոնյա Հայաստան հանրագիտարան. 2002, 217:

²⁵ Քրիստոնյա Հայաստան հանրագիտարան. 2002, 217:

²⁶ Ս ա հ ա կ յ ա ն. 2016, 30–31:

²⁷ Գիրք թղթոց. 1994, 148: Հայտնի է, որ Դվինի Ա ժողովին, որտեղ դատապարտվել են քաղկեդոնականությունն ու նեստորականությունը, մասնակցել են Վրաց ու Աղվանից կաթողիկոսները՝ իրենց եպիսկոպոսներով, ինչպես նաև՝ Պարսկաստանի քրիստոնյա ուղղափառ ասորիների պատվիրակությունը (տե՛ս Քրիստոնյա Հայաստան հանրագիտարան. 2002, 276):

²⁸ Օ ր մ ա ն ե ա ն. 2001, 583:

գավառում՝ Բողբերդ (այժմ՝ Բուղա-կալա) ամրոց-նստավայրով: Դիմաքսյանների մի ճյուղը կալվածքներ է ունեցել Վանանդում²⁹:

Հայոց տանուտերերից Թաթուլ Դիմաքսյանին, որին Սբ. Վարդան Մամիկոնյանն Ավարայրի ճակատամարտից առաջ նշանակում է երրորդ (աջակողմյան) զնդի զորագլուխ, Եղիշե պատմիչը կոչում է Վանանդացի³⁰, իսկ Ղազար Փարպեցին՝ «տեառն Վանանդայ»³¹, «գիշխանն տանն Վանանդեայ»³²: Ավելի առաջնակարգ եղել է Վանանդի ճյուղը, քանի որ Շիրակում ու Տայքում կալվածքներ ունեցող Դիմաքսյանները պիտի վասալական կախվածության մեջ լինեին Կամսարականներից և Մամիկոնյաններից, իսկ Վանանդում նրանք իրենց գավառի լիիրավ տերն էին, որի պատճառով էլ աղբյուրներում կոչվում են «Տեառն Վանանդեայ»: Հարկավ, Սահակյան Գահնամակում 67-րդ գահը զբաղեցնում է Շիրակի Դիմաքսյանը, իսկ 14-րդում նստել է Վանանդացին³³, որին նույնպես պետք է Դիմաքսյան համարել: Եթե սրանց էլ հավելենք Գահնամակում 63-րդ գահն ունեցող «Վանանդացին երկրորդին»³⁴, ապա ստացվում է Դիմաքսյանների վեց ճյուղ: Նրանք, ըստ Զորանամակի, Հայոց բանակին տվել են 1600 հեծյալ (1000-ը՝ Վանանդի տերը, 600՝ Դիմաքսյանները)³⁵: Ուշադրության է արժանի այն փաստը, որ Արտաշատի 449 թ. ժողովին, բացի Առավան Վանանդեցուց, մասնակցել է նաև Հմայակ Դիմաքսյանը³⁶: Վերջինս, պատմաբան Համազասպ Ոսկյանի բնութագրմամբ, «մէկն է անոնցմէ, որոնք կը համոզեն Վարդան յունական հողերը չանցնիլ եւ տառապանքի այդ ծանր օրերու կրօնի ու հայրենիքի համար կուրծք տալու եւ անոնց պաշտպան կանգնիլ»³⁷:

Վերադառնալով Դիմի Ա ժողովի մասնակիցներին՝ նկատենք, որ, ի տարբերություն նախարարների, եպիսկոպոսների կազմում, որքան էլ տարօրինակ է, ուղղակի չի հիշատակվում Վանանդի թեմակալը: Սակայն հարկ է ուշադրություն դարձնել այն կարևորագույն հանգամանքին, որ բոլոր թեմերը ներկայացված են մեկ եպիսկոպոսով, իսկ Բասենը՝ երկու՝ «Փոկաց Բասենոյ», «Սամուէլ Բասենոյ»³⁸: Կարծում ենք՝ Բասենի այդ երկու վիճակավոր վերակացուներից մեկը Վանանդի թեմակալն է, քանի որ այդ գավառն ավելի վաղ կոչվել է Անտառագուրի կամ Վերին Բասեն³⁹, նաև՝ Փոքր Բասեն⁴⁰: Այդ դեպքում խնդիր է ծագում ինչպես զանազանել, թե երկու բասենցիներից ո՞րն է բուն Վանանդի եպիսկոպոսը: Եթե առաջնորդվենք այն տրամաբանությունով, որ Ուխտանեսյան ցանկում Վանանդի եպիսկոպոսը 15-րդն է, իսկ Բասենինը՝

²⁹ Ա դ ո ն ց. 1987, 280–281, Ա լ ի շ ա ն. 1890, 430–431, Ո ս կ ե ա ն. 1954, 329, Հայկական սովետական հանրագիտարան. 1977, 391:

³⁰ Ե դ ի շ ե. 1989, 234:

³¹ Փ ա Ր պ ե ց ի. 1982, 168:

³² Փ ա Ր պ ե ց ի. 1982, 176:

³³ Ա դ ո ն ց. 1987, 280–281, Ա լ ի շ ա ն. 1890, 430–431:

³⁴ Ա դ ո ն ց. 1987, 281, Ա լ ի շ ա ն. 1890, 431:

³⁵ Ա դ ո ն ց. 1987, 294:

³⁶ Տե՛ս Փ ա Ր պ ե ց ի. 1982, 168:

³⁷ Ո ս կ ե ա ն. 1954, 330–331:

³⁸ Գ ի Ր ք թ ղ թ ո ց. 1994, 148:

³⁹ Э м и н. 1881, 3.

⁴⁰ Գ ա Ր ե գ ի ն Ա Կ ա թ ո ղ ի կ ո ս. 1951, 12:

11-րդը, այսինքն՝ առաջինիս դիրքն ավելի ցածր էր, հետևապես՝ Սամուելին պետք է համարենք մեր քննության առարկա թեմի առաջնորդ:

Շուրջ կես դար անց՝ արդեն 554 թ., Դվինի Բ ժողովին մասնակցել և «Ուխտ միաբանութեան» արձանագրության տակ ստորագրել է «Յովնան Վանանդայ» եպիսկոպոսը⁴¹: Ըստ Հայր Ղ. Ալիշանի՝ Յովնան Վանանդեցին ավտոակալել է 527–554 թթ.⁴²: Ժողովին ներկա ավելի քան 30 նախարարների թվում է եղել Աստուածատուր Վանանդեցին⁴³:

Նեստորականության տարածման մտահոգությամբ Հովհաննես Բ Գաբելյան կաթողիկոսի (557–574)՝ Սյունյաց Վրթանես եպիսկոպոսին և Աղվանից Աբաս կաթողիկոսին (551–595) ուղղված երկու թղթերը, որոնք գրվել են 564–572 թթ. ընթացքում, ստորագրել է Վանանդի եպիսկոպոս Գյուտը⁴⁴:

Հաջորդ պատմական վկայությամբ Վանանդի եպիսկոպոսության վերաբերյալ իրազեկվում ենք Դվինի Գ ժողովից (606/607 թ.), որին ներկա է գտնվել Վանանդի Ներսես եպիսկոպոսը⁴⁵: Իսկ, ահա, Դվինի Դ (645 թ.) և Ե (648 թ.) եկեղեցական ժողովներին իր մասնակցությունն է ունեցել Իսրայել եպիսկոպոսը⁴⁶, որը հետագայում օծվել է Հայոց Մեծաց կաթողիկոս՝ Իսրայել Ա Ոթմսեցի (667–677): Նա իր կաթողիկոսության շրջանում պայքարել է երևույթականության և պավլիկյան աղանդի դեմ⁴⁷:

Վանանդի թեմի հաջորդ ավտոակալ, ըստ պատմական աղբյուրների, հիշատակվում է Աբ. Հովհան Օձնեցու (717–728) հրավիրած Մանագկերտի 726 թ. հայ-ասորական համատեղ ժողովի մասնակից Գրիգոր եպիսկոպոսը⁴⁸:

Հավանաբար, Վանանդի թեմակալի պաշտոնում Գրիգորին հաջորդել է Տրդատը, որը հետագայում ձեռնադրվել է Հայոց հայրապետ՝ Տրդատ Ա Ոթմսեցի (741–764): Ըստ VIII դ. պատմագիր Ղևոնդի Տրդատ կաթողիկոսը Վանանդ գավառի նախարարական տնից էր⁴⁹: Հովհաննես Դրասխանակերտցու վկայությամբ, ինչպես մեջբերում է Մ. Օրմանյանը, Տրդատ Ա Ոթմսեցին եղել է «այր սուրբ և պարկեշտ, և փայլեալ առաքինութեամբ: Յաւուրս նորա ասպատակը չար հինից յամենայն ուստեք դադարեալ լինէին ի սաղրելոյ սրբութեան աղօթից նորա»⁵⁰:

Ուշադրության է արժանի այն փաստը, որ Վանանդից Պարտավի 768 թ. Բ կանոնական ժողովի մասնակիցներից արձանագրություններում նշվել է միայն Վահան նախարարի անունը⁵¹: Հայտնի էլ չէ՝ Վանանդի եպիսկոպոսն այդ հավաքին մասնակցե՞լ է, թե՞ ոչ, քանի որ Սիոն Ա Բավոնեցի կաթողիկոսը (767–

⁴¹ Օրմանեան. 2001, 637:

⁴² Ալիշան. 1890, 76:

⁴³ Գիրք թղթոց. 1994, 201, Օրմանեան. 2001, 637:

⁴⁴ Աճառեան. 1942, 476:

⁴⁵ Ուխտանէս. 1871, 64:

⁴⁶ Հակոբյան. 1971, 214, Օրմանյան. 2001, 829:

⁴⁷ Քրիստոնյա Հայաստան հանրագիտարան. 2002, 405:

⁴⁸ Օրմանեան. 2001, 977:

⁴⁹ Ղևոնդ. 1982, 110:

⁵⁰ Յովհաննու կաթողիկոսի Դրասխանակերտեցույ Պատմութիւն Հայոց. 1912, 105, Օրմանեան. 2001, 1011:

⁵¹ Կանոնագիրք Հայոց. 1971, 6, Օրմանեան. 2001, 1027:

775) Հոգևորականներին թույլ էր տվել ժողովում ընդունվելիք կանոններին գրավոր հավանություն տալ՝ առանց մասնակցություն բերելու:

Մեզ հայտնի հետագա աղբյուրներում Վանանդի վաղմիջնադարյան չրջանի եպիսկոպոսի հիշատակություն չենք գտնում: Այսպիսով, բուն Վանանդի եպիսկոպոսների ցանկը IV–VIII դարերում ստանում է հետևյալ տեսքը.

Տիրիկես – IV դարի I կես,

Զորթվազ – IV դարի II կես,

Գաղ (Գագ) – V դարի կես,

Գյուտ Արահեզացի – V դարի II կես, հետագայում՝ Հայոց Մեծաց կաթողիկոս Գյուտ Ա Արահեզացի (Ոթմսեցի)՝ 461–471/4 թթ.,

Հովհան Արահեզացի – V դարի II կես, հետագայում՝ Հայոց Մեծաց կաթողիկոս Հովհան Արահեզացի (471/4–481/2),

Բաբկեն Ոթմսեցի – V դարի վերջ, հետագայում՝ Հայոց Մեծաց կաթողիկոս Բաբկեն Ա Ոթմսեցի (490–516),

Սամուել – VI դարի սկիզբ (506 թ.),

Հովնան – VI դարի կես (554 թ.),

Գյուտ – 564–572 թթ.,

Ներսես – VII դարի սկիզբ (606/7 թ.),

Իսրայել – VII դարի կես (645 թ., 648 թ.), հետագայում՝ Հայոց Մեծաց կաթողիկոս Իսրայել Ա Ոթմսեցի (667–677 թ.),

Գրիգոր – VIII դարի I կես (726 թ.),

Տրդատ – VIII դարի կես, հետագայում՝ Հայոց Մեծաց կաթողիկոս՝ Տրդատ Ա Ոթմսեցի (741–764)⁵²:

Ներկայացվող ցանկից ակնառու է Հայոց եկեղեցու պատմության մեջ վաղ միջնադարում Վանանդի եպիսկոպոսության խաղացած ազդեցիկ դերը. հինգ թեմակալ արժանացել է Հայոց կաթողիկոսի գահին:

Եզրակացություն

Այսպիսով, Վանանդի եպիսկոպոսական աթոռին (IV–VIII դդ.) մեզ հայտնի սկզբնաղբյուրներում տեսնում ենք տասներեք թեմակալի (Ալիշանյան ցանկին մեր կողմից հավելվել է վեց թեմական առաջնորդի անուն), որոնցից առավել հայտնի են հետագայի կաթողիկոսներ Սբ. Գյուտ Ա Արահեզացին և Բաբկեն Ա Ոթմսեցին, որոնք կարևորագույն դերակատարություն են ունեցել երկրի ներքաղաքական կյանքում, ներեկեղեցական և միջեկեղեցական հարաբերություններում:

Վանանդի թեմական կենտրոնը, ըստ էության, գավառի Ոթմուս գյուղն էր, որտեղ աբսորից հետո հաստատվեց Հայոց Մեծաց կաթողիկոս Գյուտ Արահեզացին: Բացի այդ, Ոթմսեցի պատվանունն են կրում չորս կաթողիկոսներ:

Աղբյուրների համեմատական քննությամբ պարզվում է, որ Վանանդեցի և Դիմաքայան նախարարները եղել են տոհմակիցներ:

⁵² Ղ. Ալիշանի ցանկում յոթ թեմակալի անունն է՝ «... Զորթուազ, 450 Գաղ, 495 Բաբգէն, յետոյ կաթողիկոս, 527–54 Յովնան՝ ի ժողովս Դունայ յիշեալ, 572 Գիտ, 607 Ներսէս, 665 Իսրայէլ» (Ա լ ի շ ա ն. 1890, 76):

Վարդանանց շարժման ոգեկոչողը Սբ. Ղևոնդ երեց Վանանդեցին էր, վաղ ճգնաժամական կյանքի դրույթների հեղինակը՝ Սբ. Թաթուլ Վանանդեցին:

Աշոտ Մանուչարյան – պ. գ. թ., դոցենտ, ՀՀ ԳԱԱ հնագիտության և ազգագրության ինստիտուտի վիճաբարձիտության բաժնի առաջ գիտաշխատող: Գիտական հետաքրքրությունները՝ վիճաբարձիտություն, Միջնադարյան Հայաստանի քաղաքական պատմություն, Հայոց եկեղեցու պատմություն, պատմաձևավորված հուշարձաններ, հայկական պատմական և ժամանակակից աղանդներ: Հեղինակ է 7 գրքի, ավելի քան 80 հոդվածի և հրապարակումների: ORCID:0009-0007-7783-8580; ashot.manucharyan.1959@mail.ru

ԳՐԱԿԱՆՈՒԹՅՈՒՆ

Ադոնց Ն. 1987, Հայաստանը Հուստինիանոսի դարաշրջանում: Քաղաքական կացությունը ըստ նախարարական կարգերի, Երևան, «Հայաստան» հրատ., 639 էջ:

Ալիշան Ղ. 1890, Այրարատ բնաշխարհի Հայաստանեայց, Վենետիկ, Ս. Ղազար տպ., 590 էջ:

Աճառեան Հ. 1942, Հայոց անձնանունների բառարան, հ. Ա, Երևան, ԵՊՀ հրատ., 634 էջ:

Գալուստեան Շ. Արքեպս. 1997, Հայագգի սուրբեր, Երևան, «Գանձասար» աստուծաբանական կենտրոնի հրատ., 428 էջ:

Գարեգին Ա Կաթողիկոս. 1951, Յիշատակարանք ծեռագրաց, հ. Ա, Անթիլիաս, Կաթողիկոսութեան Հայոց Մեծի Տանն Կիլիկիոյ տպ., 1255 էջ:

Գիրք թղթոց. 1994, Երկրորդ հրատարակություն (աշխատասիրութեամբ՝ Նորայր արքեպս. Պողարեանի), Երուսաղէմ, տպ. Սրբոց Յակոբեանց, 712 էջ:

Եղիշե. 1989, Վարդանի և Հայոց պատերազմի մասին (աշխարհաբար թարգմ. և ծանոթ. Ե. Տեր-Մինասյանի), Երևան, ԵՊՀ հրատ., 448 էջ:

Կանոնագիրք հայոց. 1964, հ. Ա, աշխատասիրութեամբ՝ Վ. Հակոբյանի, Երևան, ՀՍՍՌ ԳԱ հրատ., 740 էջ:

Կանոնագիրք հայոց. 1971, հ. Բ, աշխատասիրութեամբ՝ Վ. Հակոբյանի, Երևան, ՀՍՍՌ ԳԱ հրատ., 473 էջ:

Հայկական սովետական հանրագիտարան. 1977, հ. 3, Երևան, ՀՍՍՀ ԳԱ հրատ., 720 էջ:

Ղազար Փարպեցի. 1982, Հայոց պատմություն. Թուղթ Վահան Մամիկոնյանին (քննական բնագիրը՝ Գ. Տեր-Մկրտչյանի և Ստ. Մալխասյանցի, աշխարհաբար թարգմ. և ծանոթ.՝ Բ. Ուլուբաբյանի), Երևան, ԵՊՀ հրատ., 540 էջ:

Ղազարյան Ա. 1996, Հայ եկեղեցու թեմական բաժանումը IV դարում. – ՊԲՀ, № 1–2, էջ 193–206:

Ղևոնդ. 1982, Պատմություն (աշխարհաբար թարգմ., ներած. և ծանոթ.՝ Ա. Տեր-Ղևոնդյանի), Երևան, «Սովետական գրող» հրատ., 184 էջ:

Մաղաքիա արքեպս. Օրմանեան. 2001, Ազգապատում, հ. Ա, Սբ. Էջմիածին, Մայր Աթոռի հրատ., 1870 պյուն:

Յովհաննու կաթողիկոսի Դրասխանակերտեցույ Պատմություն Հայոց. 1912, Թիֆլիս, տպ. Ն. Աղանանցի, 427 էջ:

Ոսկեան Հ. 1954, Դիմաքսեան նախարարությունը. – «Հանդէս ամսօրեայ» (Վիեննա), թիւ 7–8, պյուն. 328–333:

Սահակյան Ա. 2016, Մամիկոնյանների քաղաքական վերելքը և տոհմաբանական լեգենդը (V–VII դդ.) – «Բանբեր Երևանի համալսարանի. Հայագիտություն», № 3, էջ 18–34:

Սոփիերք հայկականք. 1854, հ. ԺԱ, Վենետիկ, Մխիթարեանց տպ., 60 էջ:

Ուխտանէս եպիսկոպոսի Պատմութիւն Հայոց. 1871, հ. Ա, Վաղարշապատ, տպ. Ս. Էջմիածնի, 116 էջ:

Ուխտանէս եպիսկոպոս. 1871, հ. Երկրորդ, Պատմութիւն բաժանման Վրաց ի Հայոց, Վաղարշապատ, տպ. Ս. Էջմիածնի, 141 էջ:

Փափստոս Բուզանդ. 1987, Հայոց պատմություն (Բնագիրը՝ Բ. Պատկանյանի, թարգմ. և ծանոթ. Ստ. Մալխասյանի), Երևան, ԵՊՀ հրատ., 456 էջ:

Քրիստոնյա Հայաստան հանրագիտարան. 2002, Երևան, Հայկական հանրագիտարանի գլխավոր խմբագրություն, 1076 էջ:

Эмин Н. 1881, Армянскія надписи въ Карсѣ, Ани и въ окрестностяхъ послѣдняго. М., Тип. быв. А. Б. Кудрявцевой, 88 с.

ЕПИСКОПАЛЬНАЯ ЕПАРХИЯ ВАНАНДА (IV–VIII века)

ԱՏՈՏ ՄԱՆՈՒՇԱՐՅԱՆ

Резюме

Ключевые слова: епископство, епархия, Вананд, древний, главный, центральный, место, средневековье, национально-церковный, католикос.

Епископство Вананда было одной из 12/13 древних епархий Армении, которые были подтверждены Св. Григорем Просветителем в начале IV века. Спустя некоторое время, со вторым епархиальным отделением Св. Григория Просветителя, она стала 15-й среди 30 (36) основных епархий Армении, занимая центральное место. Епископство Вананда играло решающую роль в национально-церковных делах страны в раннем средневековье.

В V–VIII вв. в армянских историографических источниках упоминаются 13 епископов Ванандской епархии (Тирикес – I половина IV в., Зортваз – II половина IV в., Гад (Гаг) – половина V в., Гют Арахезаци – II половина V в., Иоан Арахезаци – II половина V в., Бабкен Вотмсеци – конец V века, Самуел – 506 г., Овнан – 554 г., Гют – 564–572 гг., Нерсес – 606/607 г., Израел – 645 г., 648 г., Григор – 726 г., Тиридат – половина VIII в.). К списку Алишана нами добавлено шесть имен епископов. Пять из 13-и стали Армянскими католикосами (Гют I Арахезаци: 461–471/4 гг., Иоан Арахезаци: 471/4–481/2 гг., Бабкен I Вотмсеци: 490–516 гг., Израел I Вотмсеци: 667–677 гг., Тиридат I Вотмсеци: 741–764 гг.). Эти католикосы носят имя Вотмсеци, так как центром Ванандской епархии, в сущности, было село Вотмус, где после ссылки обосновался католикос Гют I Арахезаци (Вотмсеци).

Ашот Манучарян – к. и. н., доцент, старший научный сотрудник отдела эпиграфики Института археологии и этнографии НАН РА. Научные интересы: эпиграфика, политическая история средневековой Армении, история Армянской церкви, историко-культурные памятники, армянские исторические секты и современные секты. Автор 7 книг, более 80 статей и публикаций. ORCID:0009-0007-7783-8580; ashot.manucharyan.1959@mail.ru

EPISCOPAL DIOCESE OF VANAND (IV–VIII centuries)

ASHOT MANUCHARYAN

Summary

Keywords: episcopacy, diocese, Vanand, ancient, main, central, place, Middle Ages, national church, Catholicos.

The episcopacy of Vanand was one of the ancient 12/13 dioceses of Armenia, which were confirmed by St. Gregory the Illuminator at the beginning of the 4th century. Some time later, with the second diocesan branch of St. Gregory the Illuminator, it became the 15th among the 30 (36) major dioceses of Armenia, occupying a central place. The episcopacy of Vanand played a decisive role in the national church affairs of the country in the early Middle Ages.

In the V–VIII centuries, Armenian historiographical sources mention 13 bishops of the Vananda diocese (Tirikes – 1st half of the 4th century, Zortvaz – 2nd half of the 4th century, Gad or Gag – half of the 5th century, Gyt Arahezatsi – 2nd half of the 5th century, Ioan Arahezatsi – 2nd half of the 5th century, Babken Votmsetsi – end of the 5th century, Samuel – in 506, Hovnan – in 554, Gyt – from 564 to 572, Nerses – in 606/607, Israel – in 645, 648, Grigor – in 726, Tiridates – half of the 8th century). We added six more names of bishops on the list of Alishan. Five out of thirteen became Armenian Catholicoi (Gyt I Arahezatsi: 461–471/4, Ioan Arahezatsi: 471/4–481/2, Babken I Votmsetsi: 490–516, Israel I Votmsetsi: 667–677, Tiridates I Votmsetsi: 741–764). These Catholicoi bear the name Votmsetsi, since the center of the Vanand diocese was, in essence, the village Votmus where Catholicos Gyt I Arahezatsi (Votmsetsi) settled after living in exile.

Ashot Manucharyan – Candidate of Historical Sciences, Associate Professor, Senior Researcher at the Department of Epigraphy of the Institute of Archeology and Ethnography of NAS RA. Scientific interests: epigraphy, political history of medieval Armenia, history of the Armenian Church, historical and cultural monuments, Armenian historical and modern sects. Author of 7 books, more than 80 articles and publications. ORCID:0009-0007-7783-8580; ashot.manucharyan.1959@mail.ru